



## Secziun da catschadurs Bostg

Andiast | Pigniu | Vuorz | Siat | Rueun

### Protocol dalla radunonza generala dils 13 da december 2012 allas 20:00 - 22:15 en casa da scola a Rueun

#### Suprastonza

Rita Killias-Cantieni, presidenta

Marco Tschuor, actuar

Gieri Casanova, cassier

Benjamin Janki, cau da tgira

Bruno Cadonau jun., responsabel da tir

Presents: 32

Perstgisas: 17

Absolut pli: 17

#### Tractandas

1. Beinvegni ed elecziun da dus dumbravuschs
2. Approbaziun dalla gliesta da tractandas
3. Approbaziun dil protocol dalla radunonza da primavera dils 03-05-2012 a Vuorz
4. Rapport dalla presidenta
5. Rapport dil cau da tgira / rapport dil responsabel da tir
6. Rendaquen, rapport dils revisurs ed approbaziun dil quen
7. Fixaziun dallas contribuziuns annualas
8. Orientaziun ed approbaziun dil program da lavur
9. Conclus sur midadas da statutas e reglaments
10. Conclus sur propostas per mauns dalla suprastonza centrala
11. Recepziun da novs commembers e mutaziuns
12. Elecziun per ina perioda d'uffeci da 3 onns  
a) presidentA, b) commembers da suprastonza (2 abdicaziuns), c) cau da tgira local per Vuorz  
Elecziun per ina perioda d'uffeci dad 1 onn  
dils delegai e substitus tenor art. 17 B e C dalla suprastonza cantunala BKPJV
13. Honoraziuns
14. Varia

Tractandas/Conclus/Discussiun etc.	Responsabel
<b>Beinvegni entras il president:</b> Rita Killias-Cantieni fa a tut ils presents in cordial beinvegni.	R. Killias
<b>1. Elecziun da dus dumbravuschs</b> Per igl appel cursescha ina gliesta. Presents total ein 32 Sco dumbravuschs vegnan elegi: Patric Cavigelli ed Elias Casanova	R. Killias
<b>2. Approbaziun dalla gliesta da tractandas</b> La gliesta da tractandas vegn approbada unanimamein.	R. Killias
<b>3. Approbaziun dil protocol dalla radunonza da primavera dils 03-05-2012 a Vuorz</b> Il protocol vegn approbaus unanimamein.	M. Tschuor
<b>4. Rapport dalla presidenta</b> Avon 1 onn haveis vus giu la curascha d'eleger mei sco presidenta da vossa secziun ed jeu hai astgau far mias empremas experientschas en ina domena pulit virila. Vus essas denton stai indulgents ed jeu engraziel persuerter. L'emprema sfida hai giu ils 26 da schaner tier la punctaziun da trofeas. Cun agid	R. Killias



## Secziun da catschadurs Bostg

Andiast | Pigniu | Vuorz | Siat | Rueun

dils profis sin quei sectur ei quei iu detg stupent e cun pigns incaps. Jeu engrazieli als buns gidonters da quella sera e serecamondel per la proxima ga.

Il 28 da schaner 2012 havein nus giu nossa sera familiara en Casa Sentupada a Siat. Nos camerats da Siat han schau or cups cun organisar ina bellezia sera che ha fatg bein a tgierp ed olma. In grond compliment ad els e lur gidonters per las bialas producziuns da sketches e cant, la buna tschavera e la beindecorada sala cun ina fetg biala preit da trofeas. Nus havein duvrau buca meins che 11 medaglias d'aur (3 tscharva, 6 cavreuls, 1 buc camutsch ed 1 buc capricorn) 4 argen (2 tscharva, 1 cavriel, 1 caura capricorn) e 6 bronz (2 tscharva, 3 cavriel, 1 caura capricorn).

La suprastonza ei sentupada 5 ga per preparar las occurrenzas e dilucidar ils pensums adossai ad ella.

Jeu hai fatg part dalla radunonza da presidents a Tusaun, dalle 3 radunonzas districtualas dalle secziuns I e II, dalle 2 radunonzas dil district da tgira cirquital e dalla radunonza da caus da tgira locals.

Alla radunonza da delegai dil BKPJV han 10 commembers dil Bostg priu part e 9 ein stai al di d'instrucziun dalla KOAWJ nua ch'igl ei vegniu mussau tgei ch'il siet effectuescha egl animal. Quell'informaziun ei succedida direct vid animals ch'ei i a frusta sin ina moda ni l'otra e sut l'egida d'umens dil fatg (veterinaris / biologs d'animals selvadis). Jeu less metter a cor a vus tuts da prender part da quella zuna interessanta purschida cun bia informaziun, buns referats ed instrucziun zuna interessanta. Per cu ins vesa tgei ch'in siet po effectuar egl intern d'in animal, ponderesch'ins forsa intec dapli, avon che smaccar il det.

Il 17 d'avrel essan nus stai a dumbrar tscharvas, il resultat da quella dumbraziun ei enconuscents. El scheva sperar sin ina buna catscha. Denton astg'ins mai far il quen senza la natira e gl'instinct dils animals.

Il 8 da matg ein Daniel, Benjamin ed jeu stai presents all'uatga cun Marcel Züger partenent la seiv empau scardalida dil biotop da Vuorz staziun.

Il 21 da fenadur essan nus stai spalier a caschun dalle nozzas da nies commember Patric Seeli.

Il 28 da fenadur ha ina gruppa catschadurs d'Andiast priu l'iniziativa e migliurau il trutg dalla Scaletta. Probabel dat ei aunc autras acziuns sin basa privata ch'ei buc enconuscentas. En scadin cass in grond compliment ed engraziament a tut quels che s'engaschan el senn e spert dil Bostg.

Difficultats havein nus giu cul termin dil survetsch divin a Munt s. Gieri. Il di fixau ei sur Sievi staus impediis. Jeu sun lu secunvegnida culs purs da Vuorz da surprender lur termin dil survetsch divin si d'alp (ils 19 d'uost) ed els nies da Munt s. Gieri (ils 5 d'uost). E tgei ei schabegiau: Il 5 ei stau macort'aura aschia che lur survetsch divin ei daus ell'aua. Il 19 ha la Fundaziun Resgia veglia era giu lur fiasta. Per cletg ei l'aura stada fina e biala, aschia ch'omisus han giu ina buna frequenza. Fazit: Per impedir ton sco pusseivel talas collisiuns da termin, ston tut ils termins vegni fixai definitiv a caschun dalla radunonza generala e sche necessari prever in datum d'untgida ch'ins publichescha medemamein.

Il 11 d'uost ei stau tir intern. Il 12 d'uost ein 4 da nos commembers stai al cumin da veterans a Panaduz. Duront quell'occurrenza ha dr. Brosi salvau in plaid e fatg attents ch'ei seigien vid il ponderar co il sittar en la buis dueigi succeder el futur. En



## Secziun da catschadurs Bostg

Andiast | Pigniu | Vuorz | Siat | Rueun

collaboraziun culs auters cantuns ponderesch'ins da pretender che era il resultat dueigi haver in impurtont element per sittar en la buis. Quels da vus che han legiu il fil verd da Beat Angerer el Catschadur Grischun, sa ch'ins ei vidlunder dad ir en quella direcziun.

Il 17 da settember havein survegniu la nova dalla mort da nies commember Sepp Vincenz. Sepp era aunc staus al cumin da veterans a Panaduz ed a catscha duront l'emprem'jamna e schizun giu la quida da sittar in cavriel. Il 20 da settember han 17 commembers dil Bostg accumpignau el al davos ruaus. Jeu supplicheschel da sesalzar per in cuort memento pil trapassau. Engraziel.

Il 9 da november ha la survigilonza fatg la dumbraziun da camutschs ensemen cun nos catschadurs: Ignaz, Roland e Petra. Catschadurs che han peda ni interess dad era far part inaga d'ina dumbraziun, dueien s'annunziar tier Daniel ni tier mei.

Il 22 da november ein ils novs statuts dil BKPJV vegni presentai a Glion. Gion Fidel ed jeu essan stai dalla partida. Las secziuns han la pusseivladad da prender posiziun a scret entochen il 19 da schaner 2013 e nus vegnin secapescha a far quei.

Il 11 da december ha la radunonza dil district I e II giu liug a Glion. Arnold Caminada ha numnau la catscha 2012: La catscha da 1000 artgs, bia favugn e bia pavel egl uaul. El district da catscha II ei vegniu sittau duront catscha: 248 tscharvas (129 taur e 119 vaccas), 305 cavreuls (154 bucs e 151 cauras), 351 camutschs (181 bucs e 170 cauras).

Da catscha speciala stuev'ins aunc sittar 116 tscharvas. Quella catscha ha entschiet il 17 da november en Lumnezia ed a Sursaissa. Cunquei han ins vuliu augmentar il squetsch da catscha en Lumnezia sut e sittar leu ed a Sursaissa dapli ch'auters onns. Quei seigi gartegiau. Era hagi ins saviu evitar cheutras in mazzacher sco avon 2 onns. Vegniu sittau ein: 2 taur e, 46 vaccas, 24 vadials e 31 vadiala e 20 mugias. Muort la neiv ei la catscha vegnida terminada definitiv il 7 da december.

Jeu fineschel miu rapport cun exprimer in grond e resentiu engraziament a mes consuprastonts per la buna collaboraziun ed a tuttas e tuts che s'engaschan e segidan duront gl'entir onn ora. Per il prosperar d'ina secziun drov'ei gl'engaschi da tuts.

### 5. Rapport dil cau da tgira

Benjamin Janki dat in sguard anavos sigl onn passau e numna si las lavurs ch'ei vegnidas exequidas entras las secziun Bostg ed ils candidats.

- montar tablas "Lebensraumberuhigung"
- pinar la seiv dil biotop da Pardiala
- schubergiar reflecturs
- schurmetg digl ansiel cavriel
- fabricar e montar tablas da tgaun
- schubergiar ora e montar casetts d'utschals
- montar tablas "zona da ruaus per la selvaschina" a Crest Muot si Siat
- plantar bostgets "Verbissgehölz" a Gulatsch
- tgira da primavera a Gulatsch (14-04-2012)
- tgira da stad a Vals (Rueun, 14-07-2012)

Dalla tgira da stad era planisau da segar plirs praus. Demai che la participaziun ei stada pintga ha ei mo tunschiu da segar a Vals. Muort quei motiv ei era il recav da

B. Janki  
B. Cadonau



## Secziun da catschadurs Bostg

Andiast | Pigniu | Vuorz | Siat | Rueun

tgira sesminuius.

La secziun Bostg ha prestau 280 uras da tgira, da quei han ils candidats prestau 140 uras.

Il recav da tgira 2012 munta a frs 637.00. Per igl onn 2013 ei dau en frs 1'500.00.

Candidats 2011/2012 -> tuts han reussiu tiels examens finals.

Candidats 2012/2013 -> 3 da 4 han reussiu agl examen da sittar.

Benjamin ha cuort avon la radunonza generala survegniu l'informaziun ch'igl ei vegniu partgiu tier (u digl uffeci da catscha e pesca ni dalla survegionza da catscha) in niev candidat alla secziun Bostg. Igl ei quei Erich Guido Frei.

### Rapport dil responsabel da tir

Tier nies tir usitau da nossa secziun che ha giu liug ils 11 d'uost havein giu ina gronda participaziun da 39 catschadurs.

Igl ei stau in emperneivel gi da cumpignia é per nies cletg ha l'aura era fatg cun quei gi. Il pli impurtont ei ch'ei ha dau negins accidents. Silsunter ha ei aunc dau la rangaziun cun bials premis ell'ustria Postigliun ad Andiast.

Cunquei prendel jeu la caschun per engraziar a quels che han fatg gronda lavur cun l'ustria, als gidonters che vegnan adina senza gronds discuors a baghegiar si e giu il stan e semtgjar las schibas e bia autras lavurs. A mes consuprastonts engraziel per lur grond engaschi.

### 6. Rendaquen, rapport dils revisurs ed approbaziun dil quen

Gieri Casanova informescha en caussa finanzas dalla secziun Bostg. Tiel tir intern 2012 ha ei dau in recav da frs 603.30 e tiel survetsch divin a Munt s. Gieri ha ei dau in recav da frs 618.35.

#### Bilanza 2012

Cassa	278.65
Conto postal 70-9029-0	9'385.55
Conto deposito 90-166462-0	3'079.70
Conto Banca Raiffeisen 17664.29	12'473.10
Total	25'217.00
Facultad 30.11.2012	25'217.00
Facultad 30.11.2011	22'972.45
Avanzament dalla facultad	2'244.55

### Rapport da revisiun dil quen anual 2012

Tenor incumbensa sco revisurs da quen havein nus revidiu il quen annual 2012 dalla secziun Bostg.

Il quen ei vegnius presentaus dil cassier Gieri Casanova tut en uorden e transparents. Tut las quittanzas ein avon maun e corrispundan allas cudischaziuns.

Sin fundament da quei proponin nus alla radunonza d'aprobar il quen 2012 dalla secziun Bostg e da dar scarica al cassier ed alla suprastonza. Nus engraziein al cassier Gieri Casanova ed alla suprastonza per la grondiusa lavur en favur dalla secziun.

G. Casanova



## Secziun da catschadurs Bostg

Andiast | Pigniu | Vuorz | Siat | Rueun

<p>Schluein, ils 10 da december 2012</p> <p>Ils revisurs da quen</p> <p>Tuor Damian, Cavigelli Lothar</p> <p><b>Approbaziun dil quen</b> Il quen vegn approbaus unanimamein.</p>	
<p><b>7. Fixaziun dallas contribuziuns annualas</b> Neginas midadas.</p>	R. Killias
<p><b>8. Orientaziun ed approbaziun dil program da lavur 2013</b> 26-01-2013 Sera familiara dalla secziun Bostg a Rueun</p> <p>23-02-2013 Conferenza da presidents dallas secziuns "BKPJV" a Tusaun</p> <p>12-02-2013 Radunonza regiunala II</p> <p>20-03-2013 Sesida dalla cumissiun da tgira dalla secziun Bostg</p> <p>Avrel Dumbraziun da tscharvas</p> <p>13-04-2013 (en cass da malaura, ils 20-04-2013) allas 08.00 uras Tgira da primavera Tgira digl ur digl uaul / Flans Vuorz</p> <p>23-04-2013 Radunonza regiunala III</p> <p>03-05-2013 Radunonza da primavera dalla secziun Bostg ad Andiast</p> <p>25-05-2013 Radunonza da delegai dil BKPJV a Scuol</p> <p>25-07-2013 allas 18.00 uras Tgira da stad / segar</p> <p>04-08-2013 Survetsch divin campester a Munt s. Gieri (Vuorz)</p> <p>10-08-2013 Tir intern dalla secziun Bostg a Plaun da Tschéss (Andiast)</p> <p>05-10-2013 (en cass da malaura, ils 12-10-2013) alla 08.00 uras Tgira d'atun</p>	R. Killias



## Secziun da catschadurs Bostg

Andiast | Pigniu | Vuorz | Siat | Rueun

<p>November Dumbraziun da camutschs</p> <p>Dezember Radunonza dil district da tgira II</p> <p>10-12-2013 Radunonza regiunala I a Glion</p> <p>11-12-2013 Radunonza generala dalla secziun Bostg a Vuorz</p> <p>Il program da lavur 2013 vegn approbaus unanimamein.</p>									
<p><b>9. Conclus sur da midadas da statutas e reglaments</b> Cun lubir da sittar il tir intern da catscha naven da caliber 222 vegn ei da far certas midadas el reglament pil tir da catscha.</p>	R. Killias								
<p><b>10. Conclus sur da propostas per mauns dalla suprastonza centrala</b> Neginas propostas.</p>	R. Killias								
<p><b>11. Recepziun da novs commembers e mutaziuns</b></p> <p><u>Mortori</u> Giusep Vincenz</p> <p><u>Entradas A</u> Fidel Maissen Venanzi Tuor</p> <p><u>Extradas</u> Vinzens Derungs Serafin Gabriel</p> <p><u>Candidats</u> Iago Dacal Erich Guido Frei Gian Luca Dermont Jürgen Harms Vanessa Veraguth</p> <p><u>Stan actual</u></p> <table><tr><td>Commembers A</td><td>85</td></tr><tr><td>Commembers B</td><td>13</td></tr><tr><td>Candidats</td><td>5</td></tr><tr><td><b>Total</b></td><td><b>103</b></td></tr></table>	Commembers A	85	Commembers B	13	Candidats	5	<b>Total</b>	<b>103</b>	M. Tschuor
Commembers A	85								
Commembers B	13								
Candidats	5								
<b>Total</b>	<b>103</b>								
<p><b>12. Elecziun per ina perioda d'uffeci da 3 onns</b> <b>a) presidentA, b) commembers da suprastonza (2 abdicaziuns), c) cau da tgira local per Vuorz</b> La presidenta Rita Killias-Cantieni ha buca demissiunau. Marco Tschuor propona Rita Killias-Cantieni per in'ulteriura perioda d'uffeci ed arva la discussiun.</p>	R. Killias M. Tschuor								



## Secziun da catschadurs Bostg

Andiast | Pigniu | Vuorz | Siat | Rueun

<p>Rita vegn elegida cun in ferm applaus.</p> <p>Gieri Casanova ha demissiunau sco cassier sin la fin 2012. La suprastonza propona Noah Durschei sco successur. Noah vegn elegius sco cassier.</p> <p>Medemamein ha Bruno Cadonau jun. demissiunau sco responsabel da tir. Da niev vegn Elias Casanova a surpender il post sco responsabel da tir.</p> <p>Pil post vacant d'Elias Casanova sco cau da tgira local da Siat vegn Arno Spescha elegius.</p> <p>Era il cau da tgira local per Vuorz, Bruno Demont ha demissiunau. Sco successur vegn Silvan Brunner elegius.</p> <p>Rita engrazia zun fetg als partents commembers dalla suprastonza ed al cau da tgira local. Alla sera familiara 2013 vegnan els relaschai ufficialmein.</p>	
<p><b>13. Elecziun per ina perioda d'uffeci dad 1 onn dils delegai e substitus tenor art. 17 B e C dalla suprastonza cantunala BKPJV</b></p> <p>Elegi vegnan Elias Casanova ed Arno Spescha.</p>	R. Killias
<p><b>14. Numnar ina cummissiun per prender posiziun partenent midada da status BKPJV</b></p> <p>Part dalla cummissiun fan, Rita Killias-Cantieni, Marco Tschuor, Gion Fidel Spescha, Ignaz Spescha, Robert Veraguth e Roland Vincenz.</p>	R. Killias
<p><b>15. Honoraziuns</b></p> <p>Honorai vegnan David Spescha e Gion Veraguth sco commembers libers.</p>	R. Killias
<p><b>16. Varia</b></p> <p>Rita damonda tgei ch'ils presents manegian da buca pli prender e dar ora las medaglias da punctaziun, quellas cuostan intrasglauter frs 17.00-19.00.</p> <p>Gion Fidel Spescha ei dil meini da vinavon dar ora medaglias, era Remo Veraguth ei dil medem avis.</p> <p>Ignaz Spescha manegia che las medaglias ein memia caras e ch'ei drovi buca exnum talas.</p> <p>Ei vegn priu la decisiun da dar ora vinavon las medaglias.</p> <p>Ei suonda ina viva discussiun partenent la catscha d'atun:</p> <p>Remo Veraguth ei dil meini che la catscha d'atun duess entscheiver el district 2 el medem temps. Buca aschia sco uonn, nua che la catscha ha entschiett en il district 2.1 avon che el 2.2. Quei seigi gest per promover il turissem da catscha</p> <p>Rita Killias-Cantieni gi ch'ins hagi dumbräu entuorn 15 catschadurs (buca dalla secziun Bostg) ina sonda endamaun avon il luvratori communal da Rueun. Dalla secziun Bostg fan bunamein 50% dils commembers part dalla catscha d'atun aschia ch'ei mass senza auters catschadurs. Era Roland Vincenz ha dumbräu ina</p>	R. Killias





## Secziun da catschadurs Bostg

Andiast | Pigniu | Vuorz | Siat | Rueun

damaun biabein 20 catschadurs ed ils biars eran buca dil Bostg.

Ignaz Spescha menziuna che memia biars catschadurs fan mo empaglia la catscha, aschia ch'ils animals vegnan catschai d'in cantun a l'auter ed il success da catscha seigi bunamein tier null.

Arno Casanova fa attents sin la sigiertad. Duront catsch'aulta vegn ei survegilau bunamein tut e da catscha d'atun vegn fatg empau sco ei plai. Ins duess prender ed empruar da far leu ina certa pressiu. Auter vesa el grev da saver midar enzatgei tier la catscha d'atun.

Gion Giacun Spescha manegia ch'il cantun sto prender e far uorden cun la catscha d'atun. Ils catschadurs san empruar e far tgei ch'els vulan. Igl uffeci da catscha e pesca fa tuttina gest sco ei para e plai, quei muossa che la vusch dil catschadur vala buca las massas.

Ei fuss da prender e catschar ora empau dapli ils asils duront catsch'aulta. Daniel Hunger ei dil meini che quei porta nuot e ch'igl uffeci da catscha e pesca vul buca quei.

Gion Fidel Spescha gi che Ignaz Spescha ha scret ils 9-1-2010 (era lu president dalla secziun Bostg) ina brev a Stefan Engler e Georg Brosi partenent la catscha d'atun e ch'ins seigi buca cuntents sco tala vegn menada atras. Cuort suenter ha Stefan Engler dau risposta ch'ins emprova da migliurar/midar certas caussas, midau ha ei nuot. Georg Brosi ha dau sia risposta ils 29-11-2010, en ina brev da pauc. Aschia vesan ins con serrius ch'ei vegn priu.

Clemens Cavigelli gi che quei seigi negina regulaziun fina, sche ins ha aunc da sitter biabein 20-25% dallas tscharvas duront la catscha d'atun.

Rita e Gion Fidel ein dil meini ch'ins savess era prender e far midadas tiel cedel d'annunzia -> ch'il catschadur sto dar en per ir el district 2.1 ni 2.2.

Petra Killias menziuna che en autras regiuns dil grischun mondien era mo catschadurs indigens a catscha d'atun en lur regiun, p.e.x. Bravuogn.

Daniel Hunger menziuna che buca in president ni delegau ha priu il plaid alla radunonza dil district I e II dils 11 da december 2012. Leu fuss ei stau bien sche ins havess detg tgei che seigi buca bien tier la catscha d'atun. Vinavon gi Daniel ch'ins ha aviert pli bauld la catscha en la Lumnezia e Sursaissa per ch'ei vegn era sittau leu las tscharvas.

Rita Killias-Cantieni ei dil meini da prender si contact cugl uffeci da catscha e pesca, per mirar sche ins sa migliurar certas caussas. Daniel Hunger manegia che quei porta nuot. Robert Veraguth ei dil meini da scriver ina brev agl Arnold Caminada, Georg Brosi e Mario Cavigelli.

Patric Cavigelli damonda sche ins less prender si contact cun autras secziuns da catscha, per haver forza dapli success.

La suprastonza dil Bostg vegn a prender si contact cugl uffeci da catscha e pesca.

Facit -> Ina grond part dils presents ei buca cuntents aschia sco la catscha d'atun ei vegnida menada atras.

Vinavon menziuna Roland Vincenz che las midadas tier la catscha da camutschs duront la catsch'aulta hagien buca purtau enzatgei, anzi plitost il cuntrari.





## Secziun da catschadurs Bostg

Andiast | Pigniu | Vuorz | Siat | Rueun

Robert Veraguth damonda co igl ei cun la tgira tier ils candidats. Ins ha giu da far empau lavurs da pauc (metter ensemen roma). Cheu dat ei segir meglieras lavurs. Medemamein seigi ei grev da survegnir las informaziuns cu e nua che la tgira ha liug.

Benjamin Janki gi ch'el ha tschentau ensemen in plan l'entscha digl onn e tarmess a mintga candidat, aschia che tals san nua e cu ei fuss da far tgei. Sche l'aura ei denton buca buna eis ei grev da far adina las lavurs previdas. Mintga candidat ha era tut las nr. da telefons/telefonins ni adressa da mail per prender si contact.

Rita informescha ils presents che Benjamin Janki ei duront ils meins fenadur 2013 en vacanzas. La suprastanza ha priu si contact cun Marco Casanova (president da tgira dil district 2) pertuccont il sutascriber las uras da tgira dils candidats. Rita Killias-Cantieni vegn a sutascriber tut las uras tochen tier igl examen da sittar.

Rita dat aunc las suandontas informaziun.

Igl 1. e 2. da fevrer 2013 ei puspei l'exposiziun da catscha ella halla dil marcau da Cuera.

Ils 2 da mars 2013 organisescha il "Jägerinnenstamm" puspei in gi da referat cun Claudio Signer "die Überwinterungsstrategie des Alpensteinbocks" els Treis retgs a Cuera.

Rita siara la radunonza, engrazia a tuts presents e giavischa in bi temps d'advent e bialas fiastas da Nadal.

Rueun, ils 4 da schaner 2013

igl actuar

Marco Tschuor